

**KERATAN AKHBAR-AKHBAR TEMPATAN
TARIKH: 23 OKTOBER 2013 (RABU)**

Bil	Tajuk	Akhbar
1	Abu Bakar tempelak Ahli Parlimen DAP	Utusan Malaysia
2	Program Angkasawan Negara diteruskan	Harian Metro
3	Row over astronaut mission	New Straits Times
4	TAPEM kaji tambah bantuan pendidikan	Berita Harian
5	Toilet breaks among reasons for cops losing guns	The Star
6	Pertarungan robot kecil	Kosmo
7	Malaysia perlu lebih ramai pakar robotik	Kosmo
8	Jangan mudah percaya	Harian Metro
9	Costly cybercrime fraud	The Star
10	Benih buah tahan 9 bulan	Berita Harian
11	R&D Microwell tingkat hasil pengeluaran padi, sawit	Berita Harian
12	Viva La CHE!	The Star
13	Town regarded as a sleepy hollow seeing a hive of activity	The Star
14	Cuaca diramal mendung	Berita Harian
15	Bimbang bah tiga negeri tambah buruk	Berita Harian
16	KIPSAS bakal dapat MS1900:2005	Berita Harian

KERATAN AKHBAR
UTUSAN MALAYSIA (SIDANG DEWAN RAKYAT) : MUKA SURAT 12
TARIKH : 23 OKTOBER 2013 (RABU)

Abu Bakar tempelak Ahli Parlimen DAP

KUALA LUMPUR 22 Okt. - Timbalan Menteri Sains, Teknologi dan Inovasi, Datuk Dr. Abu Bakar Mohamad Diah menempelak kenyataan Ahli Parlimen DAP yang mendakwa Program Angkasawan Negara pertama merupakan program 'membazirkan wang rakyat'.

Malah, Abu Bakar mula 'naik angin' apabila **Teo Kok Seong (DAP-Rasah)** dengan biadab mempertikaikan sumbangan program itu serta menuduh angkasawan negara, Datuk Dr. Sheikh Muszaphar Shukor dijadikan alat oleh Barisan Nasional (BN) sepanjang tempoh kempen pilihan raya umum lalu.

Pertikaman lidah antara kedua-dua mereka bermula apabila Kok Seong 'memperlekehkan' jawapan lisan Abu Bakar yang dikatakan tidak menjawab soalan asalnya berhubung kos rancangan Program Angkasawan Negara kedua nanti.

"Saya sudah kata (jawab), dia (Kok Seong) tak dengar. Program Angkasawan Negara kedua, kita dalam pro-



DR. ABU BAKAR



TEO KOK SEONG

ses perancangan. Saya sudah jawab, rancangan ini akan mengambil kira pandangan daripada semua pihak termasuk orang awam, saintis, pertubuhan bukan kerajaan (NGO) dan industri. Perincian ini sedang dalam penelitian kerajaan dan kos misi ini akan ditentukan kelak.

"Berhubung dakwaan kata program pertama membazir, saya nak terangkan sampai habis supaya dia faham, supaya dia *clear* (jelas). Dia tak faham misi dan hasilnya, saya nak beri dia faham," katanya dalam sidang Dewan Rakyat hari ini.

Terdahulu, Timbalan Yang Dipertua Dewan Rakyat, Datuk Ismail Mohamed Said menegur Kok Seong yang melanggar Peraturan Mesyuarat apabila membuat celahan tanpa kebenaran.

Mengulas lanjut Abu Bakar berkata, hasil yang diperolehi daripada program angkasawan pertama dahulu terbahagi kepada lima segmen antaranya penyelidikan dan pembangunan (R&D) dengan 24 kertas kerja penyelidikan telah diterbitkan di jurnal dan persidangan antarabangsa.

"Kita juga berjaya mempatenkan lapan penyelidikan selain pembangunan modal insan melibatkan 99 orang pengkhususan saintifik. Jadi Rasah (Kok Seong), balik nanti baca (jawapan) supaya faham. Jangan nak popular. Semuanya telah memberi kebaikan kepada negara, sebab itu kita ada perancangan angkasawan kedua," tegasnya.

Kepada soalan asal Kok Seong yang ingin tahu perkembangan terkini Program Angkasawan Ne-

gara kedua, Abu Bakar memberitahu, pada dasarnya kerajaan ber-setuju untuk meneruskan program berkenaan yang dilihat penting dalam memastikan pembangunan keupayaan negara di sektor angkasa serta bidang berkaitan sains mikrograviti dan kerjasama antarabangsa.

"Pelancaran misi kedua tertakluk kepada peluang bagi mendapatkan giliran pelancaran yang disediakan kesatuan negara-negara pelancar. Penerimaan tawaran tersebut juga bergantung kepada faktor kedudukan ekonomi negara. Buat masa ini tarikh penghantaran angkasawan kedua belum ditetapkan.

"Walaupun demikian, kerajaan sedang berusaha membangunkan penyelidikan saintifik mikrograviti dengan kerjasama agensi-agensi angkasa seperti Japan Aerospace Exploration Agency (JAXA), Russian Federal Space Agency (Roscosmos) dan European Space Agency (ESA)," katanya.

Program Angkasawan Negara diteruskan

Kuala Lumpur: Program Angkasawan Negara tetap diteruskan dalam memastikan pembangunan keupayaan negara dalam sektor angkasa dan bidang berkaitan seperti sains mikro graviti, teknologi sistem sokongan hayat.

Timbalan Menteri Sains, Inovasi dan Teknologi Datuk Dr Abu Bakar Mohamad Diah berkata, projek bersifat berkeupayaan tinggi ini memerlukan perincian teliti antaranya memberi pulangan lebih besar pada negara dalam bidang penemuan

saintifik, penjanaan ilmu baru.

"Tempoh pelaksanaan misi ke Stesen Angkasa Lepas Antarabangsa (ISS) yang diperlukan lebih panjang dan pelancaran misi angkasawan kedua tertakluk pada peluang mendapat giliran pelancaran yang disediakan kesatuan negara pelancar," katanya

Beliau berkata demikian ketika menjawab kenyataan Teo Kok Seong (DAP-Rasah) yang mendakwa Datuk Dr Abu Bakar tidak menjawab soalnya berhubung kos rancangan Program Angkasawan Negara kedua nanti.

Row over astronaut mission

KUALA LUMPUR: An opposition member of parliament and Deputy Science, Technology and Innovation Minister Datuk Dr Abu Bakar Mohd Diah had a heated exchange over the National Astronaut Programme.

"The second mission depends on getting a turn determined by the association of launching countries. Whether we can accept the offer also depends on our economic situation," said Abu Bakar. **Bernama**

KERATAN AKHBAR
BERITA HARIAN (SENTRAL): MUKA SURAT N2
TARIKH: 23 OKTOBER 2013 (RABU)



Abu Bakar (tengah) bersama Isnin bergambar bersama penerima pada majlis penyampaian sumbangan bantuan IPT yang diadakan di SMK Kampung Gelam, Tanjung Kling. [FOTO MOHD KHAIROL HELMY-BH]

TAPEM kaji tambah bantuan pendidikan

Melaka Tengah: Tabung Amanah Pendidikan Melaka (TAPEM) akan mengkaji cadangan menaikkan jumlah bantuan kepada pelajar di negeri ini yang berjaya melanjutkan pengajian ke institusi pengajian tinggi (IPT).

Pengurus Besarnya, Isnin Aman, berkata bantuan itu membabitkan jumlah ditawarkan antara RM400 hingga

RM500 bagi pelajar di peringkat pengajian diploma, manakala ijazah, antara RM600 hingga RM700.

Katanya, ketika ini, tabung itu menyalurkan bantuan secara sekali gus sebanyak RM300 kepada pelajar di peringkat pengajian diploma manakala RM400 bagi peringkat ijazah.

"Buat masa ini, perkara berkenaan masih di peringkat ca-

dangan dan ia dijangka dibawa ke mesyuarat lembaga pengarah tidak lama lagi untuk dibincangkan.

Yuran pengajian meningkat

"Cadangan untuk menaikkan jumlah bantuan ini dibangkitkan disebabkan yuran pengajian bagi semua IPT di seluruh negara sudah meningkat sekali gus membebankan keluarga pelajar," katanya selepas majlis penyampaian sumbangan TAPEM di Sekolah Menengah Kebangsaan (SMK) Kampung Gelam, Tanjung Kling di sini.

Seramai 479 pelajar pengajian peringkat ijazah dan 169

pelajar peringkat diploma menerima sumbangan pada majlis yang disempurnakan oleh Timbalan Menteri Sains, Teknologi dan Inovasi merangkap Ahli Parlimen Kawasan Tangga Batu, Datuk Dr Abu Bakar Md Diah itu,

Hutang pinjaman menurun

Sementara itu, dalam isu berkaitan, Isnin berkata, hutang pinjaman TAPEM juga sudah menurun susulan langkah tabung berkenaan menawarkan potongan bayaran balik pinjaman sebanyak 20 peratus.

Katanya, hutang yang membabitkan seramai 6,000 peminjam tabung itu berjumlah RM15 juta.

"Namun, apabila kerajaan negeri menerusi TAPEM memperkenalkan insentif potongan sebanyak 20 peratus membabitkan baki pinjaman semasa kepada peminjam yang bersejua membuat bayaran secara sekali gus, ia kini menurun kepada RM8 juta.

"Insentif ini dibuat selaras usaha kerajaan negeri meningkatkan jumlah kutipan bayaran balik pinjaman TAPEM, selain memberi galakan peminjam menyelesaikan hutang mereka lebih awal," katanya.

TAPEM sudah menyalurkan bantuan sebanyak RM11.3 juta kepada pelajar di negeri ini bagi meneruskan pengajian, termasuk di peringkat lebih tinggi sejak 2008, membabitkan 33,617 pelajar.

